

錢文敏公全集

茶山詩鈔卷之七

武進錢維城稼軒著

弟維屏

維喬編次

姪

錯 鍼

伯 純

枝字

子中銑

中鈺

癸未

自繞門山東南行五六十里山水平遠趙承旨水

村橫卷也欣然有作

夙聞山陰道應接每不暇巖壑瀉鏡中林竹各相亞蕭
然半年客未遂黃芝駕終寒丹碧盟仙侶得毋詫徒勞
夢中遊恍惚談瀛洲雪色消塵眼神風蕩虛舟手弄剡
溪月青冥悵難畱朝來圖片紙上有溪雲起五字掃輕

煙寄與嬋娟子，嬋娟五千里。汗漫二十年，一葉落天上。
千山歸夢遶川原，何窈窕。極目長綿，遶橋轉見，烟村溪
喧。聚春鳥，人情惜天涯久客，珍還家。林中誰把，替詞口
方迷花一棹，不知遠回帆。又千轉欲訂佳人期，烟容袖
中滿。

謁王文成公祠

鄒魯心傳伊呂才，當年心跡幾風雷。功高不賞非吾恨，
道大難容自古哀。尚有蚍蜉紛撼促，可妨日月並昭回。
經綸本是儒生事，敢挾空談入廟來。

遊吼山

雲根誰所鑿，窈窕與青冥。通碧水繞石堂，綠蘿裊烟空虛。

厂俯崩岑危梁跨穹窿時窺玉女牕倒漾青芙蓉柔櫓
欵幽壁洞門轉花宮憑闕魚鳥樂陟巘林巒重探奇志
未畢悵望西霞紅

寄題雲門寺

聞道雲門寺耶溪知幾重徒勞布襪老待我雲蘿中我
方遊吼山清興殊未終回帆一席地奈此遙山鐘引領
羨林鳥去去烟嵐暹聊爲溪上吟寄語東南風

過蕭山

重來遊釣地似近故鄉程愛聽兒童語多慚父老情弦
歌仍雅化水石又尋盟最喜村花滿甘棠是政聲

渡錢塘江

日出海門高江干候早潮入烟螺步小嵐氣鳳山遙病
骨禁風得征塵逐浪消北堂頻計日帶水悵迢迢

喜達杭州

遂有趣庭日仍餘抱病身牽衣更兒女得見別時人
遊雲樓

山靜不必深樹竒不必古造幽在人境契妙得淨土雲
棲菑眼久塵鞅事多阻綠江一枉道詎畏觸炎暑綠雲
忽陰翳修竹紛莫數蕭森各參天涼颺與吞吐疎鐘來
何處白日不知午延緣憩松根清聽颯風雨毛髮滋碧
色空翠澁眉宇飛泉鳴上下削筩鼻相注一酌龍井茶
翛然意輕舉

夜上溜江灘示三弟樹參

打鼓中宵發推篷話不眠爲憐幽磴路兼愛晚涼天
嶺色分遙月溪光遲薄烟明朝喧更熱此景與誰傳

瀧中曉行

枕底灘聲急起行朝氣涼雜霞明遠樹殘月下高橋
谷鳥鳴相引溪花靜自芳羊裘可乘興吾意亦滄浪

七里瀧

行行溪路斷曲曲峽雲開雲影隨山轉風聲激水來
過帆追獨鳥落日倚雙臺自得懷新趣鳴鉦莫浪催

石壁灘根樹參弟

遊灘爭尺寸人力一篙俱響入長風咽流兼亂石趨
依

絃憎岸草催客負橋烏莫羨來舟急辛勤是坦途

過龍游有懷楊盈川

著作不得意一麾出盈川三年溪上吟素月揚輕烟擺
落脫凡俗道有龍邱傳胡爲事抑鬱未甘時輩賢我來
千載下澱水空淪漣沙沉新雨後山碧初秋前撫景緬
遺躅永懷璿璣篇

上楊村灘

灘高急難上邪許聲逐喧素手弄清波我心正夷然日
落碧雲起涼風激驚湍何必玉軫彈清心聽潺湲遲速
各有會逝者不可攀飄飄雙白鷗飲啄何其閒

白鷗和樹參弟

白鷺爾何事，倏然物外清。
烟波餘素業，霜雪見平生。
難畔幾時去，林邊一片明。
燕鴻費來往，應笑稻梁情。

剖瓜

碾玉結秋實，凝如帝青鉢。
渡江遠相遺，寒水傳止渴。
鷺刀一割聲，鏘鳴火齊迸。
碎光晶瑩雲漿乍，滴金椀凍裊。
中遂有清風，輕紅霞入手。
紛可惜，含水嚼雪冷無迹。
已祛煩熱，歸清冷好，尋東海安期生。

衢州試院武定相公行署也。緬懷遺烈，敬賦玉章。

檐際風雲武定功，旌旗不改舊時雄。
氣吞遠海三關外，身作長城百戰中。
壯志早年傳擲筆，中原當日遂囊弓。
至今淚洒流民疏，丞相祠堂祭祀同。

相公幼時常云：歲書人當作御史與。

大將
軍

千里強藩一甲兵
文成武定兩書生
前朝猜妬猶權倖
曠代精誠有

聖明枚卜自應推
管樂刑餘豈得醞
韓彭試聽太末城
邊水不似章江鳴咽聲

新秋雨後夜坐

斜陽殘雨外一半作秋晴
雲葉飛無定
檐花落漸輕
螢流深樹影
鐘隔遠溪聲
靜愜幽蘭意
方疑玉軫情

晚涼

秋意芭蕉覺
蕭蕭靜夜中
窗虛不隔露
羅薄未因風
遠緒迎沙雁
吟情寄草蟲
閒庭自延佇
清漏與誰同

衢州早秋言懷

人苦秋氣悲吾覺秋懷爽一雨過溪邊千山滿樓上清
風吾好友別去幾搔首羅幃未卷誰遣來閒雲無心與
之久灘聲浩浩去不可留木葉欲脫颯然滄洲我今望
遠意何極飄如晴絲裊空碧颺輪轉地萬里餘攬衣跨
之不盈尺夸父逐白日棄杖爲鄧林玉籍羅上方不如
少霞心搏桑花開早相待燭龍銜精費光彩世人那復
知神仙鯨鐘鼉鼓沸東海沸東海迴霓旌織蘿不動雲
步輕井桐落指拂鸞鳳西日未墜涼蟾生明河澹澹知
我情

同兩弟侍家大人箭亭步月

晚涼開射圃扶杖出雲樓過雨留人步晴河拂地流蟾
光憐寸草鶴髮健高秋不遠團圞節金華且繫舟

時大有

歸志

卽事

書幌清宵做涼風面面來晴雲低度曲落月過傾杯夜
氣無留暑秋聲且費才不教餘興盡已過曉鐘催

蛩

商聲不在樹空砌結秋心久客苦長漏騷人愛短吟并
添四壁靜獨對一燈深復有清砧和能無白髮侵

蘭

庭蘭愜幽意坐久息相深靜者此時領勞人何處吟不

綠風過得獨向曉來尋
弦外湘靈曲低徊惜賞音

曉起聽畫眉聲

日上檐牙露氣清
簾前巧語學調笙
我無翠袖青樽願
消得山禽一兩聲

郊行

南國遲霜氣清秋似暑
前曉行西郭外始見山
蒼然早稻連雲熟
飛泉過雨懸還期稍涼
冷好試下灘船

餅中白蓮和樹參弟

一片明湖影隨雲到席
邊嬌猶含露氣清不受
爐烟落月曉惆悵虛窗
秋淨娟西洲今夜曲應
費美人憐

上灘謠

上灘一何難下灘一何易不從難處來焉得易者至上灘一何勞下灘一何逸莫以安坐時忘彼辛苦日上灘一何遲下灘一何速遲速何必爭所爭在登陸

和樹參弟蘭溪舟中話別之作

鳳凰山外數行舟長缺歸來季子裘七里烟波同落月三衢風雨共高樓茱萸節近偏驚別鴻雁天空實怕秋無計可迴春草夢西溪梅樹倘勾留

寄樹參弟

千里還家未及旬便來省我越江濱歸心莫怪逢秋急別緒仍愁入夢頻無那雙溪長對月可能三徑獨尋春淹留且負闔中意先有寒衣寄遠人

弟歸數日後家中寄冬衣至蓋恐其

急歸也

寄懷小園雜詠五首

木芙蓉

手植芙蓉四五株，秋來曾已作花無。
空園葉落新霜冷，莫把闌干向曉扶。

桂

二八芳叢繞竹籬

圖中桂凡十六樹

春前欲別悵秋期，西風獨

付雲鬢管翻向人問借一枝

時從太守處乞得插篔簹中

新竹

新篁別後長應成，問訊常勞遠客情。
夢裏不知風雨至，蕭蕭時誤打窗聲。

梧桐

修梧百尺寄墻東
棘院清陰傍晚同
何事秋聲聽不得
非關此地有西風

芭蕉

綠天葦外結茅廬
點滴常疑過雨餘
纖手愛臨瓊素帖
秋來何惜一行書

東太守楊惺齋乞桂花二首

廿年月地久淹留
芳信今從故國求
三十洞天風露好
如何不放十分秋

已許傳柑到墨池
瓊廳清供恰相宜
貪心更向琴堂問

乞與庭前濕露枝

承餽佛手
柑二盆

調幕中諸友二首

客窗拚耐九秋寒桂影淮山任路漫今日折來愁不得
一時引領月中看

一簇攜來便憶家秋光不隔已天涯嫦娥定是竒男子
萬古無情對好花

同莊生少年遊

莊生有琵琶女弟子碧雲憶其憔悴夜半作小詞晨起而歌聲甚悽

婉子爲解之

雙溪夜作琵琶聲莊生起坐挑長檠一院無人桂花落
白月漸見西南傾團扇秋風一千里空山雁啼碧雲裏
五字長吟寄懊儂四弦獨撥愁穠李正是天涯淪落情
可堪四壁蛩螿鳴紅裙弟子散何處霜前憔悴芙蓉莖

我亦江州醉司馬，離鸞曲成和者寡。青衫不爲淚痕斑，雲牋付與檀槽寫。

妾髮初覆額三首

妾髮初覆額，深閨未輕出。誰歌楊柳枝，聲斷紅塵陌。
青青女桑樹，上有倉庚鳴。妾心山下泉，不逐清溪行。
芙蓉擢秋風，光映淥池水。獨抱空谷心，無言答君子。

金華試事畢有作三首

沿洄已泛雙溪棹，咫尺愁登入詠樓。自是秋風來較晚，新詩雖好莫輕投。

朝真有路阻千盤，雲外仙踪欲訪難。甘讓初平來笑我，羊羣只合着蓑看。

頗覺探幽興屢疲海邦雪物慰相思三年幾結珊瑚網
尚有前人未採枝

金華郊行

出郊秋氣滿平楚一蒼然草白田間路山青雨外天
楓林茅屋角菱葉稻池邊悵望冰壺洞雲深百疊泉

縉雲縣

并少城如斗真看邑似邨民無烟火聚山有畫圖存
醇樸風堪採詩書道可敦關情留一宿耕讀課軺軒

隘頭嶺

時大霧

隘頭何盤盤盤盤入雲氣四顧絕無垠涉足纔有地方
疑空濛中光景必有異乃如泛大海天水一茫昧人聲

隔叢薄可聽不可視時時峯氣散覺有微雨至豁爾忽
開霽瞥見深林翠滃然復迷漫轉瞬失向背颺風如車
軸緣谷轉飛轡送我下坡陀惚恍魂猶悸翹首望虛空
來路杳莫記

桃花嶺

陟嶽疲千盤幽壑屢迴迆遙見前山人招手可共語層
峯起趺下瑣碎不可數白雲滃其間倏忽若吞吐深秋
無定風容易作晴雨石窄滑不支礪深危敢俯螺旋已
無徑蟻附復可取人生苦局促撇捩羨鳥羽未盡三十
程曦輪過停午

菱塘

山行不知遠盡日溪聲中風磴裊雲際俯瞰心冲冲
塘轉深靜一徑蟠杉松竹屋嵌危壁雲門鎖寒空連朝
苦登陟及此神怡融迴首隔數嶺猶見青蒙茸

漁嶺小憩

拾級高樓迴梯雲衆壑環人行窗樹裏鳥語石泉間歇
馬村農聚傳餐驛吏閒前山初過雨聊一洗塵顏

却金館

在馮公嶺有石亭碑曰何公却金
處按公名文淵宣德時温州刺史

黃金百千鎰擲之鴻毛輕劉寵一大錢受之得美名千
金散盡復何有子孫側足田間走榮名一著天地間日
月齊光不能朽君不見却金亭何公於此垂芳型亭前
溪水清溟溟千秋長對青山青

賦得八月薊棗

五言八韻得隣字

處州試主題也諸生有難色遂易他題作此以
示

周原初落實珍果應秋新肯爲涼颼撲勞將墜露陳長
竿移帶便織手禰衣頻纂纂盈筐得離離墜地勻清陰
空北渚嘉惠及西隣棘樹寒同夕簾花憶自春枝疑攀
桂盡味與斷壺親好趁嘗麻節風詩共譜幽

處州試畢示諸生

地僻生涯苦諸生半力作釋耒赴選場泥污常在足山
多寡舟楫出入走穹谷饑隨溪風餐寒帶崖雨宿我行
一見之跼躄坐華轂三吳豪富地尊酒饜梁肉吐氣薄

雲烟往往傷輕薄文章非小道其氣關風俗眩目得珠
璣毋寧貴菽粟惟防俗眼淺蝸角喜爭觸葆爾淳悶心
辛勤守耕讀

松明

山行以代燭江右及浙東俱用之江鄉則斷百
丈各從其便也作詩以廣物類

織鐵作籠木作柄松枝削柿燎火迸三更入棧燒屯雲
老鶻驚棲虎眼瞪暗雨淋漓焰益高盲風鼓怒聲若號
烟芬氣烈醒人夢點滴墜地流脂膏山行賴此伴幽獨
燧耀何須萬銀燭烏啼月落曙色閒尚有星星照空谷

贈王廣文世芳

世芳天台人年九
十六實百有五矣

儒術有真訣清心乃長生豈採不死藥嗒然超元局我
愛王廣文古貌過百齡蒼松與筋骨野鶴爲性情齋厨
泊無味匡坐安所營考滿朝

上都嬰鑠羣公驚

至尊重耆宿前席開

承明加秩出

異數

珍賜羅前楹旣隆養老典亦備稽古榮歸來守青氈肌
體日益輕時時據鞍馬欲作長楸行膝下盡皓首堂前
色如嬰却笑濟南老年少稱傳經

水碓

灘喧茅屋底輪急浪花重雲子抄應白風香細得春翻
翻低度鳥斷續間疎鐘溪路饒幽事閒情愧老農

下河晚泊與幕中諸友沙岸步月

殘陽猶遠岫初月遂高林却望前溪路寒烟漠漠深卸
帆當落葉敲句答清砧沙岸堪攜手無嫌露氣侵

石帆山二首

一幅橫溪角蒼茫曉霧間秋風吹不去知是石帆山
爲愛山名好蓬窗破曉開溪行三四轉面面逐人來

遊石門

偶攜謝公屐來此飛泉巖一徑繞鳴珙雙橋跨虛藍磻
磻窄受屨嵌崖廣容龕討源躡烟景尋壑穿松杉瀑布

倒穹頂萬斛飄修纖輕綃蕩素壁驟雨翻珠潭林目領
萬狀厭心憬廻帆菴僧獻新茗一酌神襟恬竹屋暫還
憩澣沫仍遐霑拈筆欲寫真山靈得毋嫌

觀瀑

靈泉竇雲根飛洒自天半初如匹練下觸石遂零亂飄
蕭恍過雨沿壁走迷漫霧氣鼎虛亭罪微着几案潭底
無定珠東西濕遙岸客遊涼素裹屐欲衣裳換尖口訝
垂虹驚風忽中斷雷霆乍碎擊琴筑復疎散誰噴水雪
懷高唱接雲漢太白今則遙翹首再三歎

青田江行

江到青田澗峰仍麗水環懸崖茅屋小綴岸柏林斑倚

樂從潮落推蓬看鳥還行行屢回首惜別石門山

十六日晨達溫州

湖駛三更落風平一葉輕晴熾明海色寒樹雜江聲鳥
語喧山寺人烟護郡城爲耽遊興好遲爾半帆程

卽事

棘院沉沉鎖綠苔雁聲蛩語費徘徊江干紅樹知多少
牆外芙蓉今遍開

寄嶽嶺

窄磴盤空不可攀白沙古戍亦雄關嶺頭一線通斤竹
海口雙門鎖玉環葉落高風隨雁過帆飛遠浦趁潮還
平原稷稻村村熟極目黃雲夕照間

芙蓉村

一村環衆壑人坐翠芙蓉亂水穿籬過歸雲入戶重筍
輿行暫憩蠟屐與方濃日上丹芳嶺能仁未午鐘

上四十九盤嶺遙見上雪峰

鳥道蟠青霄拄策迫脅息森然衆山起高下各爭碧少
進路益艱天闕接咫尺茫茫雲海遠不覺身世窄奇峰
驚陡見颯爾意水釋筍立倚層空雲氣與俱白及看勢
翔動翻謂非素壁靈踪夙所企覲面失精魄似此奇秀
區能無神仙宅躡景會非遙肘下有六翮

大龍湫

龍潭瀦層巖倒下五千丈削壁不沾濡迴風與飄盪難

爲虹霓狀頓作雲霧想日氣射寒晶林目眩萬象殷崖
走霹靂空谷蘊竒響誰抉黃河源飛墜仙人掌秋深過
石門頗謂窮勝賞高吟太白句氣挾銀漢上一月蕩心
神及茲徒悵惘

錦溪詞三首

清溪一片石如錦映清溪我愛溪聲好相忘坐日西
錦溪千百折飛下作雙泉流過能仁寺清音在夢邊
夢裏錦溪水潺湲直到明不知寒月上風雨夜來晴

宿能仁寺

連朝走風塵愛此蕭寺宿雲氣滿寒窗鐘聲赴虛谷潺
潺遠澗水一枕媚幽獨莫作勞者歌暫擬高人陶

連雲嶂

隔嶺昨相見，亭亭出天表。今來嶂下行，雲氣噓未了。萬笏排森嚴，一髮入窈窕。初疑堆粉素，旭日發晶削。磨鬼斧，竒攀陟，人迹少。欲訪白雲菴，飛騰謝高鳥。

雲巖寺

日上馬鞍嶺，遂繞青崖行。林嵐互爭秀，溪水交縱橫。石谷鎖杉翠，左轉開崢嶸。拔地闢峽關，摩霄結飛甍。竒峰盡林立，有似揚旌旌。錦屏俯嵌巖，下有金仙庭。幽竹隱曲徑，烟磴通元扃。龍蟠古洞中，滴水滿玉觥。萬慮滌清酌，始覺浮榮輕。凌岑不知疲，頷異難爲名。靈境此初陟，聘貽神已傾。

淨名寺

言尋淨名寺乃造伏牛峰峰勢若卷雲盤旋入寒空山
僧飯胡麻引入古洞中谷深杳無路手闢松杉叢鐵嶂
束兩崖一線窺高穹何來三峽底疑有江流通

雲峰寺

探竒意已傾選勝興未竭竭從雲峰來竒勝更殊絕石
骨爭倚拔青空恣撐突崑崙輪中多爲雷雨拆溪聲
響何處衆壑赴曲折紆迴凌層巔大士聳端潔峯名青蒼
疊萬仞崖半忽然裂磴道出其中梯雲眩回瀾數里谿
堂皇珠簾掛檐缺清池淪新茗杳與世人別誰云三神
山海外不可越

謝公嶺

勝遊卽良朋握手又惜別欲度昇仙謠掩口不得說上
上謝公嶺一步一紆鬱山翠有深情稠疊撲衣纒平生
此結契更試何山鞍斫行實草草豈足申曲折還營趁
歸雲再訪棲真訣

大荆曉行微雨

信宿能仁最有情別來猶夢錦溪行雁山知我頻回首
又遣朝雲送一程

上鄭家嶺却望雁蕩山

數點遙青出霧間
靠微已隔萬重山
偶然鴻爪留禪榻
不及閒雲自往還

黃巖道中

嫋嫋行旌入翠微，蒼蒼海氣映征衣。
潮聲遠逆于溪上，鳥影低隨一葉飛。
野艇縱橫投別嶼，亂山重疊帶斜暉。
載驅已是初冬節，楊柳依然雪未霏。

雁蕩紀遊六十四韻

有序

雁山竒絕無可名言，方士侈談海上三神山。
未必過此向來作者，就一峰一石俾色揣稱徒勞。
刻畫竊不自量，欲爲此山一吐其竒，恨力薄未能耳。

南戒填坤軸，雁湖汪層霄。
大海沃其址，元精扶其杓。
瀾刷沙土撐軒苗，枝條天地久。
秘惜神庭隔，凡囂諾矩

登三摩杖錫肩棕瓢青蓮風示現壘土芟蓬蒿名因初
地顯勝始圖經標黃山有外史凌冬戒星軺發軔芙蓉
村直下僧岩遙能仁留信宿東谷行崇朝選勝十三三
所得如堂劫紀異類莫罄傾竒意俱消緬維鴻濛劫水
土質混淆陰陽鼓彙籥造化司鈞陶搏掬出竒怪琢削
窮纖毫雷霆轟其間列缺恣燔燒蛟龍撼奔突穿穴求
窠巢裂此一塊石剖成千層椒連堞木爲廣摩穹未爲
高無壁不崩劣無峰不岑巖其立必嶄殺其卧必天喬
其色盡丹堊其文乃波濤健若武夫鬥媚則舞女腰戈
矛森聳銳旗旆翩飄飆鸞鸞舒側翅師象豐拳髯或壯
如植柱或修如垂髻或介然特起或摻然聯鑣或脆以

欲折或墜而復牢。堂皇孰開闢。窶誰探。捐賦物各曲。
肖鑑形莫能逃。銀河急倒流。萬仞懸輕綯。迴颺中斷。
滿谷珠爭跳。虹蜺走青空。結采環飛橋。雲氣相滃濘。霞
光返招要。盤溪與沓澗。一一鳴咸韶。洒雪及歆沫。往往
沾衣袍。松杉栝柏梓筠筍。箬籬縹翠色。互掩隱清聲。送
蕭寥。珍禽喚當畫。山鬼號中宵。入耳澄心魂。衆音雜嘈
嘈。富媪喜誇多。羅列情酣豪。絕賞任所指。九牛矜一毛。
譬彼五都市。貨寶來千艘。貧子偶獲一。便足誇其曹。又
如啟玉帳。旌戟陳前茅。劇目死嚴陣。兵綏敢輕交。又如
開明堂。坐受百辟朝。冠裳間珩珮。濟濟排羣僚。揚帆溯
滄溟。颺風駕奔潮。雷雨俄晦暝。蓬壺徑遊遨。其快也如

之仙窟非迢迢百戲僦上都吐火兼吞刀仙車紛舍利
馬爵爭喧嗽其幻也如之駭愕孰可料乾坤用全力神
鬼供鏡雕徵名漫指屈欲語先舌擣頗怪永嘉守繼幽
徧荒嶠乍上斤竹嶺胡失之近郊廣文稱三絕孤曠寄
沈寥寂寂亦無聞俗士甘同嘲遂令巉絕境千古遺風
騷我來不須臾草草尋松寮嘗鼎止一臠別去仍無慆
猶謎五色目聊擬三山謠

三童子詩

有序

丙寅歲朱編修竹君臬使石君昔年未弱冠負
異才同受知於學使者時時虛司農尹京兆懼
酒高會名三君與諸名士飲卽席命賦觀山雙

玉歌音傑排彘傾諸老宿一時傳爲盛事今予
視學浙中於台州得童子三人王曾三陳馥洲
年十四韓修紘年十二詞賦制義斐然可觀雖
視竹君昆季未能比肩亦奇童也苟不以一矜
自止他日所成就烏可量哉爰作此詩非特寵
異之勵之也

王曾三字蘭雪字如其人格清絕繩樞爛衣百結舍
饑忍凍守孤潔五經翻盆更穿穴陳馥洲絕短小獨探
詞源吐綿紗十一爲文已不少筆枯紙盡意未了韓修
紘氣食牛兩額兀聳撐雙眸文如鷺鳥初下鞦攫身側
翅長空遊

山行微雨

山氣不成雨行行濕人衣林開見遠水猶似落斜暉

宿紫陽宮

暮雨暗林麓尋徑沿流泉吹火出松頂始知陟巒巘琳
宮根背崖鑿石開雲烟拾級上虛閣四顧皆茫然惟於
鈴鐸外稍聽溪潺湲前路此深黑永慚悟真篇

張綸宣司馬邀遊天台阻雨詩以謝之

玉霄神仙宮本意薄遊宦漸鞅煩雨師閒情付雲散遙
思幽竒處一任烟霧亂詎阻屐底行并失馬頭看一笑
謝主人吾遊原汗漫

阻雨不得遊天台因宿樂天張老人宅貽主人

山意厭遊客零雨飄深冬不成石梁行來宿精廬中主
人具袍笏九十顏青童款語及家室孫曾各扶筇自非
道氣深曷睹淳古風因知不死藥盡在華頂峰悵望隔
雲霧徒慚採芝翁

謁會稽郡王墓

仁宗十三女魯國稱仁賢流離兵火際獨以用晦全來
朝德壽宮隆禮莫比肩豈惟帝欽眷分尊且高年維時
會稽王白首偕林泉閒尋石梁路共憩香鑪烟峯名鶴化

竟千載鏡合思前緣竭來求古碣衰草迷芊綿昔時香
燈院零落無數椽牧豎登隴頭夏屋爲平田子孫盡農
圃詩書絕遺編人事有廢興懷古同潛然家國驟異勢

均逐運會旋憶在郡城時鐵券得敬觀金書三百字世
寶猶爭傳唐宗事已矣宋業何有焉忠懿昔納土識時
能順天胡乃復猜忌禍起杯酒間熙陵性陰鷲同根且
相煎孰知後嗣荒倉猝成南遷中原蕩何有賴我成偏
安金菴旣削迹玉璽沉重淵復見泣孤兒命與滄海懸
我今意何傷白楊有荒阡可憐冬青樹淚洒遺民篇

天姥山

層巒倚金庭斜日昭琪樹白雲與我共往還飄入青蓮
夢遊處天台濛濛雨不得住赤城在望落葉飛去四明
東來三百里排青疊翠勢未已崖開壑轉磴道通雷霆
擘石馬鞍底長松何參差修竹相因依綠陰暗暗見朱

戶鐘聲過水來何遲中峯巍峩百千丈惜我匆匆未能
上定看海水連天浮臨風撫掌談瀛洲

會聖嶺

赤城至天姥遙遙兩崖斷中間阿巒多小者平如案會
聖不數仞直下乃無算始知向經行平地已霄漢危峯
夾微徑高鳥忽俯看陰谷勢寒森日色在山半翹首眺
舊蹊自疑有羽翰華頂萬八千圖經語非謾

宿斑竹

不知霜氣重酒力消更闌幽澗澀遠響空山生夜寒

清風嶺

嵒縣

本名青楓嶺宋德佑二年天台王烈婦爲元兵

所執過此嚙指血題詩崖石乃投岩而死改名
嶺曰清風立廟祀之事載宋史

天胡爲兮慘慘風胡爲兮悽悽若有人兮悲愁隔烟雨
兮如疑舟人指之曰昔烈婦之遘難血斯崖而捐肌上
有千仞之高山下有澈底之清溪山不崩兮溪不竭血
漬起兮字不滅字不滅兮迹不冥風之颺兮聞血腥

仙人渡

郭烈婦自沉處烈婦之事見於陶南村輟耕錄
及世所演雙珠記雖販夫村婢無不知烈婦者
渡在天台縣東門外

烈婦能死人焉奪之烈婦已死人猶活之渡乎渡乎其

所驚者兒乎其所守者軀乎其所全者夫乎

賦得燭斜初近見

得斜字六韻以下杭州武士題

暗雪風燈外推蓬瞥影斜一痕迴鏡水幾片入窗紗作
勢迷村樹搖光惹岸沙乍隨孤葉下半與破帆遮柔櫓
催飛絮寒藥對落花山陰好乘興何事惜天涯

賦得飛鳥不在外

得晴字六韻

俯檻窺高鳥澄潭掠影清數行深有路一碧過無聲荇
弱原無碍魚遊自不驚片雲沉處沒落月去邊明陣向
橋頭隔飛從帆底輕臨淵懷冥漠翻抱弋人情

賦得雪崖纒變石

得晴字六韻

始知崖石在昨夜雪初晴淺淺痕纒破稜稜骨自生雲

疑開未淨日有照難明
冒絮猶殘影縈烟復舊情
依稀還小徑消息澹寒城
爲憶勾衣處探梅又獨行

恩賜紫光閣墨刻傳諸生
拜觀恭紀一章并命諸生賦
之

於錄哉赫乎我

皇聖武超崑臺堅昆剗土
從東來紫光之閣高崖鬼銘
勳畫像凌烟開淵峭指縱

天維恢海隅震疊機槍摧

典謨摩泐雕瓊瑰雷霆收響
雲昭回筵前褒鄂弓刀排
復有枚馬來趨陪天河倒瀉
傾金罍千羽琴纒陳庭階
慶成樂凱百物諧文昌爛爛
明河魁吳山一昔寶光迴

天門遙瞻五雲裏

龍文一軸銜鳳觜旭日發函玉紋紫微臣職司教胄子
團橋傳觀色俱喜爾等讀徧古今史幾見

神謨有如此崑崙迢迢連弱水春風浩浩二萬里

文德覃敷化如砥諸生曷罄其所以但覺目駭不敢視
天威展卷嚴尺咫何以作歌陋采芑

答樹參弟留別之作

舟楫衝寒去吳江雪乍晴檐燈帆共影浦月雁同聲幾
隔聯牀話仍多把袂情屠蘇娛白髮好趁早梅行

制府楊公拜大學士詩以賀之

南斗接文昌

天書下紫鳳巖疆仍借寇綸閣已徵黃花暖酬金帶雲
深護玉堂平津賓從隔遙此奉清光

歲暮整課有懷金沙司農東臯學士

涼蟾照孤琴迢迢美人心松風吹不散自寄空中音
響不中斷翹首望天半解道清輝遙清輝在几案盈手
不可掬徒勞夢相續誰使澗泉吟寒更媚幽獨

茶山詩鈔卷之八

武進錢維城稼軒著

子中鈇 中鈇

甲申

飛來峯

山意隨鐘聲搖搖出空外雲根勢飄忽暮與颺風會問
此從何來靈脉隔凡壑洞門闕幽光一線仰穹甍清音
滿虛聽繞石鳴寒澗微徑未得攀極目已爲最何須叩
禪扃宴坐及昏藹

呼猿洞

巨靈鑿何年留此烟霞孔猴聲已無聞仰睇意猶悚懸
崖亂青翠一一蓮花涌及觀雲稍移方信石未動誰能
躡飛踪杖策鼓餘勇

韜光

煙磴寺門裏綠雲擁層巔尋幽欲無路穿竹皆飛泉已
謂出雲表纔能半崖邊豁然見空濛江海搖長天蓬萊
辨咫尺便可乘風旋城郭爾何如漠漠塵埃間吾聞朝
日出夜半霞光鮮何能久延佇竟作山中眠

龍井

靈泉跡久堙龍氣與時會山雲積精意飛翠欵

芝蓋飄風昔

來遊旭日浴杉檜滄池催夜雨萬派決清瀨時於風篁
中散作鸞鳳噓

天顏一以喜品味此爲最臣時隔

屬車未得隨旌旆今來企

卷阿不在五雲外磨崖仰

宸藻月地豈虛繪却聽飛流鳴泠泠識天籟

登道場山絕頂望太湖

湖風開雲作新霽道場一峯高擢髻不道東坡獨解遊
我來已出浮嵐際太湖萬頃盪我胸我家卽在湖之中
幼時把釣揚帆處大雷山外天迷濛宦遊汨沒投人海
到眼幾忘故山在便欲乘風跨洞庭水天一色波溟溟

此山疑是蛟龍脊莫教雷雨排空冥且看七十二點煙
容青

苦雨畫素册遣興樹參弟作長句見索因題以贈
鎖院沉陰苦拘束有如牽舟上平陸隨波一片白鷗心
散作雲烟十二幅憶昨來從樂清縣雁山兩日曾遊徧
千竒萬怪走胸中每當兀坐輒對面頗怪山靈隨我歸
心所未想手已知誰云茗溪管溪千派水不是一昔雷
雨龍湫移不然何故半月雨不止雨勢欲決錢塘隄行
愁坐歎復何似麥苗未長桑無稊徒令鬱勃無可訴日
費斗墨濡淋漓吾弟不能畫愛畫乃入骨謂聽禿筆掃
紙聲勝如秋宵吹簫築我畫不佳佳在率一掃清心動

毛髮對君百番不厭多忍令名山自汨沒贈君篋笥什
襲葳莫道青鞵布襪從此忙

弟詩有整理青鞵之語故答之

理安寺

鐘聲引幽步不覺松徑長嵐氣澹春臨溪流雲堂俯
見一亭碧深挹萬竹涼山僧盡閉關獨坐娛笙簧一掬
解消渴綠雲有餘香

烟雨樓

連朝烟雨暗高樓偶趁晴光到上頭一片夕陽憑檻落
萬家春樹逐帆浮暫時洗眼開明鏡未有閑情付野鷗
多愧登臨成草草此中文謙負名流

碧桃

一春花事太匆匆，不分桃破眼紅。回首小園還計日，
莫教狼籍樹西東。

晚發嘉禾宿雨初霽誌喜

一雨三春盡，登舟適晚晴。歸雲低去岸，落日澹行旌。
燕子初相識，萍花無數生。農桑問無恙，小泊爲人情。

舟中見月

有意憐明月，晴光櫂背來。竟無烟氣隔，還曳水紋開。
十里推蓬坐，三更破夢回。殘春幸相接，永夜獨沿洄。

湖上晚行卽事

薄暮沿南山，逶迤涉芳沚。湖氣上遠峯，如在碧紗裏。
落霞閃金翠，樓閣互相倚。疎鐘來松風，半醉吟渌水。自謂

蕭灑遊未免簪綬耳

裘漫士少宰出使闕中途次見寄三律卽步其韻
千里封書墨未乾殷勤爲我說平安聞雲落手來何易
吳雨連湖去不難紅藥吟成將有贈白鷗盟在莫教寒
湖邊點點青荷葉酌酒期君把醉看

計裘漫士使事將竣詩以邀之仍用前韻

雨歇陽林鵲噪乾使星計日返長安懷人翻覺寸程遠
妙手應無一事難領路千盤誰道險江聲五月尚餘寒
可能小閣勾留住再許新詩次第看

聞裘漫士署閩撫詩以寄之再叠前韻

握手無由酒盞乾惟於途次省恬安七言却寄心俱往

五月爲期相見難，快有新波晴樹遠。
可忘舊雨，夜吟寒知公未便歸。

朝去海日，聞雲早暮看。

寄壽尹望山相國七十四首

崧嶽鍾祥厚，韋平世業優。
大邦兼節鉞，綸閣著謨猷。
平格周公誥，康寧箕子疇。
精神推國老，底藉祝扶鳩。

佛日涓期降，星軺述職歸。
蒼生懷信宿。

紫極傍台微，堂印江天鎮。
宮袍砌草輝，昇平惟坐理。
往躡陋文裴。

諸老邀

慈慶香山畫本成，佇看

開九裘定復補鴻名純嘏皆

天錫神仙實地行粉榆何厚幸永奉緒風清

韶卮瞻龍節威嚴儼若神

公初撫江蘇時坡甫七八歲曾于道旁望見顏色

公膏雨長慰我袞衣新蘭樹叨同席

公子出王禮堂門與城有淵源之誼

蓬山忝後塵何當陪弟子絲管座旁親

香樹師手書近作見示敬述四章

鬱金有真香豈必產崖谷

鬱金野生者香家種不香

移陰託謝園所

愧非蘭玉夫子扶大雅冰雪洗凡俗薄采離下根未遺

庭中綠春風天際來芳氣暗相續傾耳雲海濤可憐人

間曲

湘漢一萬里不盡騷人心如何芳柱曲化作秋蟲吟

皇九層臺毛羽驚凡禽歸昌不世出四海皆瑤林倦翮
偶一憩雲路還相尋時於五湖外仍作三山音碧樹已
霄漢瓊島青春深誰能最心賞

蒿宮五弦琴

册首古意一篇反楚詞佚女之意寓
明遺際之隆爲自古詞人所未及 聖

國風解好色此意君子知自非明月懷焉結霄漢思一
語溯惠風陽春滿華滋誰云

九重遠不隔鴛羅幃

古意一篇
溫旨褒賞
入國朝書畫上等

芳草有遺

怨拙哉兒女詞

卷菴一寸心瓊臺三霄露潤以太古風恐爲朝華誤繁
英鬪明豔未暮顏已故五色爛晴霞由來本芳素微情
契杜若不盡幽人趣一卷付青童雲鏡啟深悟

登望海亭

在紹興府署後卧龍山上

望海亭連溟渤空卧龍山枕越城雄黃看沙口三江外
青送嵐光一氣中荒草已迷秦帝裼閒雲猶護夏王宮
坐來真有濤聲湧快對吟風萬樹松

曹娥江弔古

髮顏狗父水之涓五日隨潮事可悲豈是謳歌神竟醉
休言離散魄無知篋篋莫奏傷心淋瀝白真成墮淚碑
千古三閩同此志誰人解作大招辭

四明謠

行迹繞丹赤飛夢不可越抗手餐霞人渺如雲中月青
天五芙蓉一朶元宮開窗玉女過欹枕飛泉通棖梅

舍之去徒登天姥峰天姥雲中走低頭弄星斗欲傲溟
客談聊資越人口華頂萬八千無人但有烟中途阻嵐
雨笑語心茫然沉吟出空谷却下宿斑竹美人隔烟霄
嚴霜壓茅屋岌岌兩雲屏萬古稱福庭咫尺海風起波
濤浩縱橫俱違采芝約空抱驂鸞情

寧波試院卽事

海風吹滿四明城六月虛堂秋氣生山影排空樓百尺
潮聲驚夢月三更長松窺戶鳴笙細野竹敲窗舞扇輕
掩卷偶然成獨笑珠煖雪竇有人行

陳象臣觀察邀遊天童詩以謝之

當筵快風雨杯酒談天童法苑忽注眼便欲帆烏蓬舟

馳情條一年悵望愁烟容昔去已草草今來復匆匆違
山五十里落落傾長松有夢入虛濤無言對寥空雙飛
有青鳥告我雲泉踪仙路諒非遠塵懷渺難從徒徵息
壤在飄率慚飛蓬

懷似撰甥

秋風天未感莊生山左蕭齋海上城明月徘徊詩酒地

曉禽惆悵管弦聲

似撰工度曲

紅裙弟子腸應斷

解見少年遊少玉

貌先生骨自清料得據梧還有恨可無脉脉溷陽情

秋海棠

海棠亦冒秋英名白露已降方敷榮就陰怕熱有本性
嬌花大葉多幽情豐臺花匠青磁盆貼苔屑无勞殷勤

朱門棐几作清供，弱質不受霜風輕。
於茲委棄閒階庭，涼雨零亂百草榮。
無人愁汝爛熳生。

桑洲嶺卽事

雲端稻埂層如級，石罅泉源走似烟。
裊裊竹竿聯百尺，清流飛過隔山田。

新秋夜雨與樹參弟聯句

急雨送新秋，斜風注小樓。
暗隨楓葉墜，茶山涼逐雁聲流。

萬壑響相應，三更點未休。
鐘疎同斷續，參樹螢濕自沉浮。

遠火迷山寺，叢雲壓荻洲。
驟疑潮欲上，茶山微與露俱收。

旋酒芭蕉過，平添蟋蟀愁。
滿應憐几席，參樹喧不耐衾裯。

重起推窗看，難爲秉燭遊。
長廊巡滴滴，茶山短溜聽泠泠。

總碎離人耳遙凝思婦眸斟從中聖酒參樹話及下灘舟

是處鳴琴筑何由辨女牛詎知街鼓盡山茶偏惜砌花幽

樹杪泉多少霜前客滯留聯牀聊覓句參樹且用豁煩憂

山茶

蘭影與樹參弟翹英壻聯句得二十韻

孤標超象外影與玉壺清涼月初迴照山茶長檠忽借明

暫通騷客意參樹莫辨美人情檐露潛難挹英翹爐烟暗欲

迎素屏分九畹山茶秋圃夢三更初佩原無質參樹徵祥漫

有名紙窗搖剪剪英翹瓊砌俯夷庚怨魄誰招得山茶幽姿

亦瘦生霏微羅袖薄參樹隱約碧斂橫一見已心寫英翹相

看未目成就奩尋窈窕山茶寒幙隔輕盈肯趁晴颺動參樹

常嫌宿霧紫句中愁絕調

英翹

畫裏認傾城趣向彈琴悟

山茶香疑入室并忘非緣久坐

參樹

秉豈託微行竟體神如

接

英翹

循咳態自呈歡言遺臭味

山茶

吹氣負生平靜夜邀

良晤

參樹

空山憶舊盟沅湘仍試采

英翹

鴉不妨鳴國士

宜真賞移樽襲紫莖

山茶

登樓

萬樹斜陽迥西風滿小樓海雲多作兩山氣易成秋歸

馬高城暗殘蟬古寺幽披襟聊騁目暝色一窗收

同幕中諸友小樓看雨

野徑羊盤合山樓四面開雲踪移樹去雨脚過城來落

葉連飛鳥驚風襲震雷塵懷同一洗催句費清裁

聞署中有白鶴一隻飛來畜之甚馴擾喜而聯句
得二十四韻

小園得佳訊遠下霜臯禽暫隔九秋路山茶來託萬里心

孤山訪自昔參樹遙海夢至今集竟赴招手英翹舞聞說開

襟非綠笙月引山茶詎以松雲深有約盤素雪參樹忘機憩

丹林宵露始傳警英翹玉書倘貽箴循廊遂磊落山茶調竹

初嶽嶽矯翼罷遐思參樹顧影驕新音珠樹承借問英翹芝

田永惠臨蹠躑戀挹翠山茶嘹唳留鳴陰雞羣立豈屑參樹

鸞侶懷何任攜緬太守潔英翹放使高士欽晴沼曉鷺鷺

山茶春幡畫沉沉如求故巢燕參樹好辟斷簡蟬茶煙或偶

遊英翹魚子知獨尋誰敢費桐煮山茶胡慮挾彈侵披篋濁

清晤

參樹

積糧歎幽歆零分薛公畫

翹英

雙厭杜老吟還冀

目視孕山

茶

夙鄙腰纏琛懿軒愧未效

參樹

禹步勞相禁仙

驥阻台嶺

翹英

扁舟憶湖潯喜映堂上髮

參樹

寄語閩中琴

子和企一一揖余話歸岑

茶山

小樓雨後

日落不知處火雲生海西晴仍半山雨暗有一灣寬漠
漠辨征雁潏潏聞遠溪高樓多爽氣披豁見天倪

發台州口占

年來兩度到台州悵望金庭天際頭還與仙人仍後約
未甘辜負石梁遊

雨後下拗嶺

雨外秋山一半明耳邊砵隱作雷聲人沿飛瀑穿林出
雲漏斜陽上嶺行修竹長松無限碧斷烟蕭寺有餘清
征衣莫惜霑濡甚何似翠裳待渡情

上盤山嶺遙見雁山

仙區惜人情百里訴契濶飛翠落盤山迎我如戶闥岩
巒經信宿一一辨毫末未卽遂幽探且用慰饑渴塵顏
驚隔歲日月去何忽緬彼鶴背人此愛亦難割便欲跨
長風凌空恣超越

再遊雁蕩

前遊未經年竒趣常貯臆今來溫舊踪復似乍相識引
勝出無窮開懷豁遙憶異書經再讀古繪發新色指示

後來人居然騁先得惟於幽阻地恂恍意微惑雲泉態
近遠愛我不我卽縱使百番來探尋曷有極

自靈峯沿溪五里至碧霄寺

半日行溪聲潺潺不知處琳宮藏片石溪轉乃得路歷
戶森千巖排樓迷萬樹怪底眉宇青人在翠微住

真濟寺

何年碧雲墜駐爲九疊屏尙帶煙霧氣并卷階除青竒
觀凜突兀妙態娛娉婷一闕渺西顧無由叩幽扃

小龍湫

石罅見飛流龍湫有分派忽發好奇情一犯垂堂戒綠
崖雙踵垂攀葛一身挂徑盡慳立錐悚惕不敢歛雷霆

起足底雨雪復滂湃雖云蕩心魂頗得窮幽怪從來遊
覽趣歷險乃稱快努力更討源脇息未辭憊

剪刀峯

一名玉柱一名
梳一名展旗

一石擅四名轉側各竒肖捷同烟雲幻莫測太化妙靈
湫蕩危趾廻風鼓虛竅晴雨無不宜可聽亦可眺徒取
剪裁工何以遺其貌

宿芙蓉村

入山心若忘出山心若醉未忍解征衣衣上有積翠芙蓉
鎖萬壑閉戶得山意一枕契遊仙蝴蝶爲夢寐

宿館頭

在永嘉

半日江頭候晚潮甌城雲外望非遙等閒悔與名山別

不在靈岩住一宵

靈岩寺名
石最奇

李敦復太守贈桂花詩以謝之

虛館頻迴首
蟾光空自流
露從何夕冷
山憶故園幽
多士勞相望
芳林不易求
欣承使君意
分到一枝秋

江心寺謁文信國卓忠貞兩公祠

悲風排秋水
怒號暮雨蕭
瑟鳴枯條
森森怪石夾江滸
孤島突兀靈祠標
信國脫身下揚子
浮海茫茫曾到此
百年世事幾變更
復有忠貞稱後死
乾坤反覆波濤翻
滄桑陵谷須臾間
厓山一浪金川火
存亡倉卒分神姦
滔滔逝水去不還
千秋一息丈夫事
存亡倉卒分神姦
滔滔逝水去不還
千秋一息丈夫事
忍與飄泊羞塵寰
忠臣血淚編遺集

忠貞集五十卷劉
忠愍所編先高祖

司農公重刻今僅存古
今體詩二十餘首矣
義士高歌叩壺泣孤臺石倒江
不流斷簡煙灰字不滅君不見江心寺衣冠如故鬚眉
異海潮日夜蕩人心非是尋常不平氣

與樹參弟別後夜坐有懷

鴻雁銜秋色茫茫霄漢間不知今夜月迢遞幾重山露
氣侵移坐鐘聲到掩關西窗他日話及此未開顏

過縉雲

三秋異涼暖半嶺隔陰晴遠日斑斑白疎風謾謾聲溪
從渡口濶東渡口在縉雲東山到館頭平館頭嶺在永康東非永嘉館頭也近

識朝真洞皇君待我情

曉行遇雨

乍覺山容失行行入雨中乾坤一俯仰身世總鴻濛人
語聽猶近雲踪望轉空曹騰下高嶺曉日在林東

金華道中懷樹參弟

愛畫工詩是性生阿兄薄技動傾情無端別去金華路

空對秋山半雨晴

秋山半晴雨高
房山橫卷也

弔岳鄂王墓二首

鄂王碧血奠湖壩湖水江湖共拍天半壁已甘無父國

中原空係有生年書生不叩班師馬裨將猶清泛海船

太息他時和議改漫勞張相去籌邊

中興名將王爲最
少恨未及遇孝宗

也

一德何須責會之考亭猶自惜微辭嫌生湖上猶揚日

寃甚恭州殺曲時避地肯同魚鳥樂

指韓

斬王傾杯翻藉虎

狠知獨憐孝廟推英武不及南軒幹壘奇

弔于忠肅公墓

精英南北兩高山

公墓在兩高峯間

帝爲亡王造九關忠定

李綱

功成無大去那顏心死有生還伏蒲不犯嫌疑地憑几

何猜肘腋間

論者多謂公於易儲事未聞諫諍不知骨

爭而人不及知者故當南

城變起景泰未命猶疑是公此其証也

畢竟夢夢都未醒又

傳金齒赦神姦

曹石雖誅而有貞竟得生歸豈公之忠誠天亦有未白耶何報之不盡也

宗陽宮有感

宗陽宮觀宋遺邱太上頤神此嘯遊誰使窮沙埋日月

徒勞斷簡注春秋苑中簫鼓非南內城外湖山是汴州

臥榻幾人解睡去金齏差勝一扁舟

太白詩雙懸日月照乾坤謂上皇與

蕭宗胡氏春秋爲高宗而作也人比之諫書

乙酉

觀鐵券讀

聖製恭紀

疑我乃賜券賊臣激兵端繫惟臣遠祖心比金鐵堅唐
室不周傾半壁枝全天河山啟筭路斧鉞隨樓船信誓
申九死磨天與雕鐫冊異告公後孚同作周先至今千
載下猶識乾寧年紛紛五代還興滅如雲煙開門達虎
節卷土歸龍顏豈惟天道循不忍民命煎明祖式模範
剖符冊勳賢終然棄弓狗息壤血未乾富貴守實難要

以功德綿我

皇鑒忠赤撫手古澤鮮

作歌泐琬琰寶氣揚暈前勲事林立竹素紛綸傳誰
人隔曠代投契

羲軒前先臣涕澤及羣裔蒙賞延襲以繡雲龍匣以香
栴植世世慎守祧永永肅豆遵金鑑有漸減

斯文配坤乾

東風行

朝來東風何太顛吹花欲上樽桑嶺晴空一雨濯棧去
幾人歎息臙脂鮮萬斛舟憑一帆送鵝毛非輕石非重
雄鳴從雌翔上枝雙瑄疊唱何差池迴頭側耳聽者誰

階頭三詠

珍珠蘭

熏風墜明璫，紉作湘女佩。
楚客悵芳華，鮫人泣珠態。
霜花疑架密，露點綠枝碎。
壓鬢愛遠香，幽姿亦絕代。

夜來香

花開仍似蒂，碧色帶珠胎。
飛燕怯晝視，靈芸稱夜來。
辭枝吐香纈，和月上粧臺。
留待黃昏采，晨風莫浪催。

茉莉

嶺外移根得，階前琢玉成。
每勞纖手摘，簪上綠雲明。
苞向宵分放，香從夢裏清。
盆中休盡采，留伴坐深更。

詠竹夫人三十六韻

南國宜消暑西軒早薦清問奴青載錄留客素同盟君
子華篇重佳人絕代驚根非陳下體影不隔長檠煙外
適心賞肯分得目成慣憎鴛被暖久別鳳簫聲憶昔栽
培厚蒙今拂拭榮名園猶故土賤妾本孤生萬个風曾
櫛三盆雨舊傾婉變直九切參玉版結束媵柴荆削碧
瓜初破苞黃粉尚盈繁絲抽乙乙密締疊庚庚慧果澄
千眼柔條繞一莖拍文魯手貴流握楚腰輕性愧因人
熱操堅不字貞爲容辭籟錦寫恨付桃笙美恐遜條衰
貪嫌管蒯爭含胎任顛倒揮汗莫縱橫免俗慵構偶棲
寒韻解醒羊車奚藉引鸞扇每先迎組織羞中婦嫵媛
記小名廻身疑擲管鏗爪叶調箏獨宿支持定相思宛

轉明扶牀長似我撫節瘦憐卿爨下材兼采泥中怒豈
振有懷通內裏無語待更深靜訴平安訊涼猜薄倖情
商弦何處奏角枕與誰并策老猶甘夢吟秋定補鳴龍
鍾才未謝捐棄意難平熨反勞荀倩啼應學女英娟娟
愁暮倚籬籬賦遙征良會懲河漢愆期過燕鶯卷衣忘
彼美虛館俟吾甥割臂三霜在窺牆半面呈明年北窗
臥還許抱孫行

滋圃前輩視海隄來湖舟過嘉禾時余適鎖院試
士不得晤詩以代簡四首

際海狂瀾一掌迴同時舊部仰宏才使君更有爲霖手
帶得隨車好雨來

時望雨甚急
公至適大雨

鷓頭風正晚霞紅遙聽歡聲夾路同獨對春鸞鎖深院
不教騎竹廁兒童

有

詔徵黃促去旌三春未放惜秋程祇應旁舍能投轄得

樹東人信宿情

新撫軍明公方攝篆江右未
得代故公歸朝尚遲遲也

使者傳言禮數寬旌麾竟日許盤桓故人空說爲官在
并少江村苜蓿餐

眼鏡與吳孝廉泉子樹參弟翹英婿聯句得三十

四韻

妙手撥雲霧園中切太清金篦何用刮

茶山

銀海別留名

畫憶麻茶讀

泉子

碁噴毳噪評幾時隨齒豁

樹參

一試撒心

盲勿厯疲於照

英翹

爰資視曰明嵌空初射彩

山茶

屆遠早

飛精象罔珠仍得

子泉

離婁矩漫成琢非修月斧

參樹

規以

測星衡浸潤週輪廓

英翹

磨堅辨縮羸體宜珍合璧

山茶

封

若著連城椀底春冰薄

子泉

窗楞曉日晶形分菱蒂小

參樹

絲繁藕腸輕素質瑕疵匿

英翹

靈胎篋衍盛戴匡徵不夜

山茶占角驗恒晴他耀眉峯蠹

子泉

旁參鼻觀撐屏風誰道

隔參樹囊露未須傾剪水重瞳澈

英翹

披文四目瑩發蒙驚

抱珥

山茶

通內晃冠檠盞側和光吸

子泉

簾掀踏影行三摩

融色相

參樹

八垢絕將迎觸柱回先覺

英翹

籠紗詔後生看

花休悵老

山茶

暈碧豈嫌醒兩作芒真繼

子泉

雙懸照已并

還應鍊天眼

參樹

朗鑒徹周平

山茶

與汪希聲夜話有贈

太空有遺音仙人動玉指碧霄風遠吹不來漠漠明河
一泓水天孫獨坐機杼鳴海槎有路無人行折楊皇苓
節腰鼓世人聽此皆移情欲語不得語獨行還遇雨中
田采荷花持以求下女東家那知捧心醜先施見之掩
面走郿鄠橋頭車馬多壽陵餘子好身手蹇修語拙心
徒勞誰人解佩江之臯琅玕孤生合商羽伶倫撥棄如
鴻毛秋夜沉沉擁雙檝心悅君兮君悅妾九苞拂羽來
何遲與君並坐吹參差

舟行見水車聯句三十韻

愆陽驕三庚課雨窘六月屋放下懸車

茶山

河許理舊闕

尋畦墮圻兆傍隴謀蔭暘分勤婦子借樹利導筋力竭

坡斜嬌承雷岸聳高樹梁橫轂手試推翹眠梯墮繼振

回回踏牛趾節節引龍骨蛇蛻互槎枒茶豚吹遞出沒

旋窺璣在衡走悟輪赴軌駢枝疊瓣榦樹鏤脊嵌凹凸

循環法連鎖排次狀束笏小大各裨斗翹高蹙爭擁蔽

擎拳飲聯臂巧捷動牽髮先偏後彌縫茶上巢下營窟

修尾拖渴虹銜翅盤陣鶴蕩葉扇驚波樹迴颺刮鳴淝

盆傾挹復注軸卷埋更搗鴟夷吸有源翹滑稽運無闕

展矣驅班班逝者來汨汨安流竟倒捲茶潤下兼旁突

溝盈如川臻蓬轉匪風發蹈空砥生藟樹服苦脚不韞

效收舉足勞勢異急行蹶輕命忘乖堂翹得心應交朋

快焚視則槁灌溉興也勃機事謝漢陰

山茶山

農功憫吳越

滌池剛浸彼嘉種戒莠厥野人習脂韋

樹參

稚子嘻諄咄

警我疑響纒念此艱起坐翹首願爲霖

翅英

一夕移溟渤

山茶山

孟鈿極愛余東風行手寫口諷不置復作此示之

東風一曲不勝情雲際靈瑛聽未清簾外柳花能解恨
人間原有許飛瓊

新秋雨後書懷和樹參弟韻

高空一雨九秋閒目送浮雲往復還素月于人偏有味
碧山向我獨開顏薊門風色遲來雁剡上灘聲待放鵬
不信繫舟湖畔樹肯隨落葉去仙寰

同樹參弟序東姪翹英婿湖上觀荷

三年越客繫扁舟欲采芙蓉悵遠遊有約重尋吳女曲
無言獨對楚江秋西風未惜紅粧暮北渚誰同素影流
試問畫船簫鼓客如何解得美人愁

早桂次樹參弟韻三首

暑氣將殘露氣幽閒庭不道桂香浮姪娥應惜三年別
先送金風一月秋

團團官舍寄清幽每歲花開歎梗浮同是客中初識面
依然如對故園秋

自有芳情脉脉幽月光雲影共沉浮別時何處還相憶
添得官齋此夜秋

挂蘭四首

一名風蘭葉似石菖蒲根不着土以髮纏之實以筠籃懸于簷際三月開花元

人有詩

凌虛微步不生塵縹緲愁予若有人
下土何從求佚女空梁應得悟前身
春歸菴館初懸夢客到湘流莫問津
欲倩明徵奏幽操知音未許谷中神

漫遵楚畹認前塵濁壤何曾見此人
豈有根荑卑附俗定知風露滿隨身
梁間解語韓娥曲檐際生香玉女津
料得埋憂本無地固應天外結遙神

賦託靈均迴絕塵香遺下女靜無人
莫言楚客多悲氣已證空王不染身
木末牽絲情脉脉林間晞髮露津津
秋心一寸抽難盡涼月當門見遠神

絕代寧霜一點塵下方孤伴莫懷人國香可王原無土
仙步雖虛亦有身竒服貺君勞結佩遠遊如我自知津
大夫同是烟霄侶何事深巖守茯神

送人遊西湖

湖頭夜來雨催我登蓬壺送客烟中去徘徊曉山孤當
窗見遠樹欹枕鳴荒蒲蓮塘十里風飄然與之俱看君
頭上雲是我鶴背襦

夜半聞湖

我夢在遙海織蘿漾輕塵陡然挾我上天闕江風海月
同一身虛廊不受萬馬鬪枕上何堪鼓聲驟起行揭幕
風滿窗月色皓皓天蒼蒼

重詠挂蘭二首

幽人何處寄棲遲
落月空梁有所思
騷譜偶然同姓氏
羅生誰與鬪門楣
拂窗仙露緘湘怨
隔座神弦送楚辭
幾度無言獨含睇
天涯臭味莫差池

一別煙臯近玉京
浮湘休說負前盟
寧隨斷梗悲同病
偶託高門作寄生
芝草無根聯綬佩
楊花有約到軒楹
空山信美非吾土
未是忘歸愛遠行

曉望

秋色曉鐘裏
沈寥開遠煙
白餘湖外月
青盡鳥邊天
惜別聞調杵
懷人賦采蓮
不知塵土夢
可到早霜前

雨霽望吳山次樹參弟韻

雨過曉山近蒼然接籬煙霜鐘邀我步欲往仍疑然秋
懷如孤雲偶與西風還自足理幽帙何妨閉元關尚想
岩際樹肯辜石上泉

詠素心蘭

相看俱一笑我亦素心人風露自然冷瀟湘何處塵忘
言在仙慮遺世得天真孽佩紛紛客誰當臭味親

題柴嶼青給諫學射圖

短衣隨李廣失路歸南山豈知狸首歌道在詩禮間方
今無豺狼詎復有狐兔不着繡衣行閑持角弓去茫茫
白沙隄淺草平花磯袖手看鳴鏑莫問冥鴻飛

題畫

曳杖看山未擬回橋西一片夕陽開不知萬樹秋風滿
都作溪聲屋底來

題隨園雅集圖

曠代逸才袁子才弱冠結契黃金臺中間南北紛聚散
廿年會面惟三回庚申之歲舟中遇黃河岸側風吹住
我隨南雁過河來公逐燕雲從北去壬戌公車重握手
公厭承明復南走從此迢迢歲月深十年不共尊中酒
丁丑扈

蹕下白門見公乃在公之園軒渠快讀裴五篇平生契
濶無一言今春有客來京口誦公好句西園柳樹色風
聲夢寐多霜華鬢影相思久今夕何夕公惠來入門大

笑聲如雷雄談高論驚內室主客何故羣疑猜談中示
我圖一卷秀色射人光落爾五君識者我有三文采風
流此其選索我題詩我不辭世間會合不可期得汚點
墨向公畫千秋人識曾相知袁公袁公且安坐我今走
筆要公和更請畫師添一人着我樹旁石上臥

題李漪亭秋山白雲圖

李侯掌邦憲意與秋山深高雲盪空曲不礙靜者心推
案却簿書落葉來空林森森太微署開窗見湖岑塔影
倒硯池何必杖策尋南屏老衲子剗此半壁陰

圖爲大
恒和尚

畫解帶可獨往塵芥何由侵逍遙情所適服念志所歛
余亦忝理官披圖緬素襟試問鷹隼擊何如鳳鸞音

聞雁有感

暮雲深不見嘹唳但聞聲何事飛鳴急誰知來去情煙
波別千里霜雪伴三更寒渚棲宜穩能無念遠征

丙戌春帖子三首

春旗催臘鼓協氣轉宵中

丑時立春

旛勝元辰舉先占五日

風

廿五日立春

越曲吳歎紛拍手嬉嬉都唱樂春臺青齊一路燕南北
新自輶車采聽回

聖人法

祖

湛恩深萬口含哺頌至今額手預聞寬大

詔先春已見發生心適於召見時得聞
恩免漕糧之諭